


PRIMA  
MUSCULO-  
RUM TA-  
BULA.



PRIMAE MUSCULORUM TABULAE

CHARACTERVM INDEX.

**PRÆSENS** tabula anteriorem corporis faciem magna ex parte notans, corpus exprimit, à quo cutis cum adipe carneaq; membrana, & omnibus in superficie extantibus neruis, uenis & arterijs, si quæ sunt, rescui. Hanc tabulam unà cum sequenti, characteribus liberam relinquere propositum erat, quo minus illis commaculata spectaretur. Quandoquidē tertia ferē prima est, quam ad disciplinam parauimus, præsens namq; (uti nec consequens) aliquid oculis subiicit, quod non in musculosis & quadratis, ut sic dicam, hominibus, eruditos pictores, sculptoresq; indies etiam præcipue exprimere obseruamus. Quæ enim membranæ in tertiæ tabulæ facie & ceruicæ uisuntur, & fibræ etiam in musculis ductæ, potius pictorem, ac sculptorē & plastem (quorum studijs quoq; opitulari uisum est) perturbant. Quanquam his sanè non sat sit, musculos in superficie repositos ad amussim tenere, imò præter osium accuratissimam cognitionem, summa diligentia cuiusq; musculi munus perspectum ipsis esse debet, quo sciant, quando musculū aliquē aut breuiorē, aut longiorē, aut protuberantē magis, aut cōpressum depingere debeāt, hoc axioma perpetuò ob oculos habentes, musculū, dum os mouet, idq; (ut sic dicā) ad suū uentrem retrahit, breuiorē, multoq; prominentiorē fieri, & ad ipsius uentris mediū colligi, quum autem è conuerso musculus os dimittit, ipsumq; os aliò agitur, quàm ab eo musculo ducere- tur, musculi uentrem (cui duntaxat illi artifices animum accommodant) produci ac subsidere, minimumq; protuberare. Cæterum quandoquidem hæc affatim in musculorum descriptionibus perstringam, characterum præsentis figuræ indicem aggrediar, in quo uix ullum musculum priuatim expressurus sum, sed unicui duntaxat characterē singulis in altero latere adhibens, quos hic obiter spectare licet, ascribam. In facie itaque nullus hic in conspicuo est musculus, quod illi tenues exacte & membranæ sint, neque etiam obiter adempta cute secus, quàm in præsentia modò occurrant.

**A** Glandulæ quàm plurimæ notantur, quæ sub aurium radice, ad posteriorem inferioris maxillæ sedem repositæ, cavitatem hic opplent, tutæq; uasorum distributioni præficiuntur. Sunt autem hæc quas in pueris humorū influxus crebrò molestant, ac quæ strumis (quas χαίρας Græci appellant) subinde infestantur. Hæc sede, qua glandulæ reponuntur, etiam citra characteris adminiculum, præfuisse hic auris foramen obseruatu est facillimum.

**B** Sinistri lateris musculus, ab inferiori maxilla, in os **V** imaginem referens insertus.

**C** Musculus à pectoris osse pronatus, ac in os **V** literæ simile cum suo coniuge insertionem tentans.

**D** Musculus gracillimus, à superiori scapulæ costa, in os **V** referens insertus, ac in quarta musculorum figura, **V** & **V**, in quinta autem, **R** & **S** notatus. Sedes quæ utrinq; ad literæ **D** latera uisitur, cauæq; est, neruos continet sexti partis neruorum cerebri, interioribus uenis iugularibus, & arterijs soporalibus concomitatos.

**F** Musculus à pectoris osse & clauicula, in mamillarem occipitij ossis processum, carnea insertionem implantatus.

**G** Portio est musculi, scapulam mouentium secundi, cuius effigiem monachi in suis cucullis imitati sunt. Præsentis musculi aliud nihil hic est conspicuum, quàm quod clauiculam, & summi humeri sedem clauiculæ connexam inseritur, uerum in nona figura totus apparet musculus, **Γ** & **Δ** insignitus.

**H** Sedes hæc iugulares uenas exteriores transmittit, quare etiam citra omnem musculi distinctionem, in uiuis duntaxat caua apparet. **V** ena autem resecta, & mucosis quibusdam membranulis ademptis, ille occurrit musculus, quem **D** insigniuit, & etiam unus qui à prima thoracis costa, in anteriorem transversorum processuum ceruicis uertebrae sedem insertus, **C** in octaua musculorum tabula notatur.

**I** Clauiculæ anterior sedes, quæ excarnis occurrit.

**K** Musculus brachium attollens, cuius principium à clauicula, summo humero, et scapulæ spina nascitur, atq; hic ipsius pars spectatur, à clauicula & summo humero pronata.

**L** Musculus brachium pectori adducens.

**M** Pectoris os excarne apparens, nam musculus pectori brachium adducens ad ossis latus, primum  
**P** 2 carneus